



SULEQATIGIISITSISUT
SAMARBEJDSPARTIET

UKA 2018/52

UKA 2018/53

UKA 2018/54

UKA 2018/55

Tillie Martinussen

18. oktober 2018

(Inatsisartunut ilaasortaq Malene Vahl Rasmussen, Demokraatit)

Inuusuttut 18-t norlugit ukiullit unnukkut nalunaaqutaq 20:00-p kingorna Cafèliarlutik kakaoitorsinnaangornissaat, sodavanditorsinnaangornissaat assigisaannilluunniit najoqqaasinnaangornissaat pillugu Imigassaq pillugu Inatsisartut Inatsisaanni § 20 imm. 4 atorunnaarsinnissaanut siunnersuuteqaqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunu tilaasortat Justus Hansen aamma Randi Vestergaard Evaldsen, Demokraatit)

Imigassaq pillugu inatsit allangortinniarlugu siunnersuummik saqqummiusseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut, taamaasillutik niuertarfiit imigassanik aalakoornartortalinnik nioqquteqarsinnaalersillugit ataasinngornermiit arfininngornermut nalunaaqutaq ullaakkut quliniit unnukkut arfineqpingasup tungaanut.

(Inatsisartunut ilaasortaq Randi Vestergaard Evaldsen, Demokraatit)

Imigassamut inatsimmi imigassat aalakoornartortallit pillugit pilerisaarutit sulluunniit inerteqqutaanerata atorunnaarsinnissaa imaluunniit allamik taama sakkortutigisumik taarserneqarnissaanut Imigassaq pillugu Inatsisartut inatsisaata allangortinnissaanut allannguutissamik saqqummiusseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Imigassaq pillugu Inatsisartut inatsisaani § 28-p atorunnaarsinnissaanut siunnersuuteqaqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut, taamaasilluni imigassaq nioqqutissanut allanut naleqqiullugu saagorsimajunnaartussanngorlugu.

(Tillie Martinussen, Inatsisartuni ilaasortaq, Suleqatigiissitsisut)



SULEQATIGIISSIT
SÁMÁRBEJDSPARTIET

Eqqarsarnartuuvoq inatsisiliorneri nikerartumik sammiveqartarnej, ajuusaarnartuuvoq ileqquusunik allangortitsiniarneri inatsisit atorniarternat, taamaaliornikkullu akitsuutinik pilersitsisarneq akitsuutinillu atorunnaarsitsisarneq malittarisassanillu nikissinnaanngitsunik allangortitsiniartarnej il. II. Ileqquusunik allatut iliuseqarluni allangortinneqarsinnaagaluartunut.

Taamaattumik eqqarsarnartoqarteqaarput inatsisit sivikitsuinnarmik atuuttut allangortinniarnearneat. Imerujussuarternej millisarniaraanni assersuutigalugu imigassanut akitsuutaareersut sisamararterutaat katsorsaaneranut atornejarsinnaagaluarput pinaveersaartitsinernullu akitsuutinit isertitat qulerarterutaat assersuutigalugu atornejarsinnaagaluarlutik.

Siunnersuutit 52 aamma 53 isumaqatigilluinnarpagut aamma tungavilersuutaa pitsaaqisut, ilalerlugillu tamakkiisumik. Siunnersuutigissavarput § 20 imm. 4 immikkoortoq 52-mi oqaatigineqartut peerneqassasoq. Aamma siunnersuut 53-mut tungavilersuutigineqartut isumaqatigaagut tamakkiisumillu tapersorsorlugu aamma ilanngullugu siunnersuutigissavarpu siunnersuutitut marlunnut aningaasatigut allaffissornikkullu kingunissai ataatsimoortinneqassasut, taakku oqaatigineqarput inuup ataatsip ukiup affaanik sivilunerunngitsumik suliarisinnaassagai, taakkulu ataatsimoortinneqassapput sipaarniarnissaq pissutigalugu. Taamaasillutik ataatsimut isigalugu inuup ataatsip ukiup ataatsip ingerlanerani suliarisariaqassanngilai aamma qularaarput siunnersuutit ukiup affaanit sivilunerusumik suliarineqartariaqassasut - tamakkerlugit.

Tungaviusumik isumaqarpugut inatsisiliornikkut naleqqussaarniarsarisartoq ajornartorsiutit arlallit qaangerumallugit, pinaveersaartitsinermit kiisalu katsorsaanermit tungasut aamma siunnersuut 53-mi siunnersuutigineqartut "aalakuupallanniarluni imertarnermut" akeqanngitsumik katsorsartittoqartalissamat isumaqarpugut pinaveersaartitsinermit suliat sinneri ilannguttariaqarigut, inerteqquteqarata aamma killilersuinata. Nalunngilarput najukkani sumiiffiit ilaanni aalakuupallanniarluni assut imertoqartartoq taamaattumik Naalakkersuisut kaammattussavagut sumiiffinni taakkunani angusassanik toraagaqarluni suliniartoqassasoq.

Immikkoortoq 54 eqqarsaatigalugu arlaqarput mianerisassat. Ilaatigut najukkami tunisassiat Facebookimi tuniarnearqartannginnissaa aamma allani. Taamatullu oqareerluta isumaqatigaarput inerteqquteqarnej aqquussaannngimmat, aqquussaammatali paasititsiniaaneq aamma pinaveersaartitsineq. Timersorneq, kulturi, ilinniartitaaneq meeqqat inuusuttullu inuttut atugaat aningaasaliiffigierartigit. Nukigut atoriartigit ilinniartitsissutigalugu qanoq inuttut nukittunerulertoqarsinnaanersoq - akiunnerusoqarsinnaanersoq, ilaqutariinnilu atornerluineq kingornuteqattaarneqartartoq unitsillugu.

Nukigut atoriartigit najukkami najugallit nutaarsiassanik oqaluttuarsinnaanngornissaannut, nuannaartunartunngortitsinatik -sullinniakanut oqaluttuarsinnaanngortillugit neqeroorutissaqarlutik imaluunniit arlaat nutaaq najukkami tunisassiarineqartoq pillugu.

Sianiitsuliorneruvoq isumaqaraanni inerteqquneqarnej atornejarsinnaasoq nunarsuarmi tassami Facebookimi pilersaarutit milloorneqartuarpugut apeqqutaalluni qarasaasiami suna ujartornerit aamma allaat ilaannikkut mikrofonit naatsorsueriaaseq maleruagassiaq atorlugu ikkunneqarsinnaasarpog oqaatsigullu immiullugit kingornalu uatsinnut takutillugu suut atortussat uatsinnut tulluarnersut.

Aqquasaariaqarpoq taamaattumik: Pinaveersaartitsineq, pinaveersaartitsineq, pinaveersaartitsineq, katsorsaaneq, ikiugasuarternerit ilaalu ilanngullugit iluaqutaasartut.



SULEQATIGIISITSISUT
SAMARBEJDSPARTIET

Ajoraluartumik naak ilungersorluni inooriaatsit siammarterneqarusukkaluartut Demokraatit isumaqatigaagut oqarmata tamanna pisinnaangitsoq ilaatigut pilerisaarisarnermut inatsisip matumap isumalluarpallaarluni atorneratigut ajornerusumik pisoqarpat inuutissarsiornerput killilersorneqalersinnaammat. Aammaarluni.

Aamma isumaqarpugut saagut assersuinerillu iluaqutaanavianngitsut. Meeqqat inuusuttullu atornerluisunngunnissaat kissaataappat - tamannali tamakkiisumik neriorsuutigineqarsinnaarpasingilaq - taava eqqarsaatigineqarsimassagaluarpoq aaqqissuussineq Sverigemi systembolagetut ittoq, atorneqalernissaanut naammattumik piffissaliilluni.

Aamma siunnersuummut tunngatillugu taamani Naalackersuisup tunniusimalluartup immikkut tapiissutit sorpassuarnut akilersinnaangitsunut tapiissutigineqarsimasut ingerlatissimasinnaagaluarpai inuutissarsiortunut saagusinerminni atorsinnaasaattut imaluunniit systembolagetut ittumik eqqussisoqassappat tassunga atugassatut. Taamaasilluni inuutissarsiortut artorsareeqisut akitsuutinik siunertaqanngitsunik artukkersoqqinneqarsimassanngikkaluarput. Ajoraluartumilli tamanna pinngilaq. Atuutsitsilernissap tungaanut piffissaliisoqarsimasinnaagaluarpoq, inuussutissarsiortulluunniit suleqataaniarlutik isumaat tusarniarneqarsinnaasimagaluarput.

Taamanili Naalackersuisut taamalinngillat aamma soorlu aamma maannakut naalackersuisuusut siuliilu aamma susimangitsut.

Illuatungaani inuutissarsiortut nukittuut kissaatigaagut taamaakkaluartorli pipallalluta naleqqussaasarpugut akitsuusersuisaqattaartarlutalu.

Naak inuussutissarsiortut ingerlalluartut kissaatigigaluarlugit akitsuutinik isumaliutersuutaanngilluinnartunik uteqattaarillutalusoq pilersitseqattaartarpugut.

Isumaqarnerluta inuutissarsiortut nunatsinni innuttaaqataanngitsut, ilittut uattullu?

Naleqqussaasoqarsinnaanngilaq imaluunniit atornerluineq katsorsarneqarsinnaanngilaq inerteqquteqarnikkut.

Taamaattumik immikkoortut 52,53,54 aamma 55 Suleqatigiissitsisuni inassutigaaqut akuerineqassasut, akuerlugillu taaseqataalluta.